

З. Семендужева



АСТАРАИЗМЕ







З. Семендужева



АСТАРАИМЕ

ДАГЕСТАНСКОЕ КНИЖНОЕ ИЗДАТЕЛЬСТВО
МАХАЧКАЛА 1988

Семендуева Зоя.

С—30 Астарайме. — Махачкала: Даг. кн.
изд-во, 1988.—96 с.
Моя звезда.

Э и сборник дешенде оморет стихигь, поэмагьой эн шогьир тати Зоя Семендуева. Угьо гьисдуьт э товун лугьонде муьгьбет ферзенди э кин Ватан совети, дусди ве бирори эн хэлгьго, дошдеи кор шолуми ве саламатире э гьуьлом, э товун муьгьбет севгили, мердьети, дусди ве боворини.

ББК 84 Тат

СТИХИГЬО

НИС ВОИСДЕ МЕРЕ ДИЕ

Нис воисде мере дие
Товуше руз думонлуь бу,
Дедегьоре гъэмлуь дире
Ве э гIуьлом жевгъ офдону.

Нис воисде мере дие
Хори, асму гIэтош гуьруь,
Муьгьбетлуьгьо журу бире,
Бошут угьо дердлуь, гъэмлуь.

Нис воисде мере дие
ГIэиллегьо езугъ бошут,
Гуьрде вэгIдо нум бебере,
Хьэсрот бире, ох вокошут.

Нис воисде мере дие
Жовонгьойму фурмуш сохут:
Энжэгъ дусди, еклуьгире
Беде дуьшмеш хуьрд нисоху.



ШЕГЬЕР В. И. ЛЕНИН

Шегьер Ленин—шегьер игид,
Э женггьой туь хэлгь бу имид.
Велг торихэ ченд вешенди,
Унжо пури гьинорменди.

Эз ёр хэлггьо гьич вэхд нирав,
Нуьгьимуьн руз мегь эн январь.
Сес «Аврора» бисдо эйму
Э женг Октябрь нишонбирму.

Келе довгЮой эн Ватани,
Э пушой чум гьисди гьони.
Эз буй барут женгьой гьовхо
Гьелеш темиз нисди гьово.

Гуйге тозе бине нори,
Раче шегьер веромори.
Уш гьисд жофой игиде хэлгь,
ГЭлем Ленин доре рач шевгь.

АСТАРЕЙМЕ

Э ёрмени, э гЭили,
Келетегьо мигуфдируьт:
Э ю хумне, э одоми,
Астарегьой асму веруьт.

Э у гофгьо сохде бовор,
Астарепок бире шевгьо,
Мигешдуьм ме уре омбар,
Астарейме нисд э гьово.



Оммо мохурд шев-руз э ме
Е астаре э руй хори,
Товуш мидо, тегьер чуйшме.
Эри гьемме у мозоли.

Э жеш мере гьисмет бердге,
Э коми куьнж эн вилеет,
Астарейме эз Кремля
Мидуь мере эшгъ ве мугьбет.

КОМУНЕ

Думон асму кура бире,
Рихунд сайлов воруж юре.
Песде хьофдранг, тегьер куьрпи,
Комуне рач бисдо веди.

Мере воисд варам, гешдуьм,
Эз ранггьо ю хэлгъэ бэхш дуьм.
Ве гьемиге, тегьер комун,
Товуш бугу дервозейму.

ГІЭЗИЗЕ ПАРТИЯ

Миллионгьо вегуьрдуьт ерэгъэ,
Рэхьбери туь сохди женг хэлгъэ.
Бейдогьиш дорембу биренгъэ
Э дес туь, гІэзизе партия.

Миллион дуьл дегесунд шэгІмеле,
У элов Октябрь бу келе,
У мунди эй хэлгъгьо нишоне.
Чуьн жоборд, гІэзизе партия.

Э и женг бебегьо овурдет
Хушбэхди, дуьлшори э кифлет
Бирорут э иму гьер милет
Нигегьдор, гІэзизе партия.

Руз-беруз ободи овурде,
Коммунизм эдейме вокурде.
Имидлуй пушово туь берде,
Товуш хэлгь, гІэзизе партия.

КЕЛЕ РЭХЬ

Одомире эз гьэд више
Э келе рэхь жилгьэ берде.
Рэхьсуьз бугьо тэхьно гьуше
Э мескенгьо суру берде.

Белкем жилгьэ гьисд пичире
Ве эри туь у четини?
Нидуьт гуьлеш хьозур чире,
Гуьл туьреш туь миё чини.

Келе рэхь гьисд зиндегуни
Ве биёвгьой инсоньети.
Гилм хундеи овурдени
Э ишуьгьэ руз хушбэхди.

Э СЕР ГЬОВРЕГЬОЙ ПИСКАРЕВ Э ЛЕНИНГРАД

Э инжо поисди дердименд е деде
Ве эри ферзендгьо эдее гирисде.
Парталгьо вокурди гьеммере сиегьи
Меш уре диремун сохденуьм гІэрс тигьи.

Гуйге у гуьрд сохди дерд ве гъэм хэлгъгьоре,
Э гъэд дуьл эн хуьшде донори угьоре.
Э жигей гъэмлуйе дедегьо э дуьньёгь,
Ес гирде согъ гъуьмуьр, сохдени у гирьё.

Гъоврегьош э инжо гъэдерсуьз омборуьт.
Э жигей эн вооруш гІэрс эз чум рихденуьт.
Э тегьер палутдор, у деде муьхькеми.
Дердгьоре гьемере э гьечи тоб дори.

О дедей, омбаре гъэзобгьо туь дирей.
Четине рузгьореш кем эз сер не сохдей.
Яралуьш туь бирей, хун туьре рихунде.
Увэхди ниофди лугъэй нун эй хурде.

Э инжо гъоврегьо диренуьм ченд жерге.
Мигуиге гьеммешу офдорет эз ерге.
О дедей! Овлодгьо сессуьзуьт игІэре.
Туьш гирьё сохдени, сэхд гирде лэгІэре.

Шиновит, шиновит инсонгьой эн дуьньёгь!
Хун рихди э инжо э тегьер эн дерьёгь.
У салгьой блокада э шегьер эн Ленин
Жоборди бурмунд хэлгъ, бугеш лап четин.

Омборе салгьошки эз увэхд гирошдет.
Гъоврегьой Пискарёв едигор вэхд мундет.
Ки инжо омогеш э тегьер эн деде,
Тоб нидуь дуьл энугІэрсгьой чум не рихде.

Гьер дугъ гІэрс дедегьо бигьил бу чуьн
нештер,
Эри эн довгІохогь ве дуьшмен эни девр.
Де элов эн довгІо луьп зере не суху
Дие гьич хун инсон э хори не рихуь.

ИНСОНГЬО!

Зигьисденим, бейхэбер вэхд гирошде,
Метлебгьоре пэхьни э дуьл сэхд дошде.
Оммо уьлуьм кей омогеш гъэришу.
У рэхьмедуьл эри екиш нибошу.

Энжэгъ увэхд дуьл эн гьемме сухдени,
Кейки бивэхд хун жовонгьо рихдени,
Кейки гІэил э гъэл деде хэндуьсде,
Песде гьердуь эз бомб дуьшме беисде.

Гуьмуьр инсон дураз нисдгеш зиёдте,
Эйчуь уьлуьм шев-руз уре терсунде?
Чуьтам гьони сокит мибу дуьл деде?
ДовгІохогьиш хуьшдению гьисд бенде.

Ме, чуьн, деде, эдем хосде, инсонгьо,
Темиз бугу эвр эн хори ве гьово.
Эжигей туп ве виз нолей косодгьо,
Шиновим сес хуше овоз мэгІнигьо.

МЭГІЛУЬМСУЬЗЕ СОЛДАТ

Дегешдей туь сессуьз, пичирей туь э хок.
Туь бири жовон девр, туь бири софе пок.
Белкем туь гьисдиге эз догъгьой эн иму,
Ененге, эз Сибирь, эз Ташкент, эз Баку.
Эз чуьжош гьисдиге—гІэзизе бален,
Эй хори эн Ватан и гьовре яраи.
Туьре бу е войге: Ватане дошдени,
Э хори эн Ватан гуьллуь богъ кошдени.
Гуьллуь богъ, гуьллуь богъ...
Ниетгьой жовони.
Имуьгой хунчей гуьл э нижо венори.

У нисд бэхш эн домор э руз эн гІэруьси,
У гьисд гьэрд эн дусдгьо эй игид-гІэзизи.
Дегешдей туь сессуьз, пичирей туь э хок.
Туь бири жовон девр, туь бири софе пок.

ЭРИ ЧУЬКЛЕ НЕВЕЛЕЙМЕ

Буй вешенде веро, туь,
Омбар шорум ме эз туь,
Дануьсменде инсон бош,
Чуьн десдей гуьл веровош.

Ватан эйшму кумеки,
Эйшму хосде у ники,
Меш хосденуьм ловогоь
Эри гьемме гІэилгьо.

Бигьил веровт омбар гуьлгьо,
Э хумнешу бу гІэилгьо.
Темиз бугу ковре гьово,
Дуьлшор веровт балалегьо.

Бигьил асму палаш бу
Э сер хори Ватан туь,
Эже суьфде, пой норе,
Сер мигири эй гешде.

Ширине хов сох чуьклеле,
Ме мидорум хов туьре,
Гуферере жумунде,
Раче ненуйгьо хунде.

Бигьил гьер себэхь чуьшме
Товуше дуь эришму,

Эз гІэили, дусд бире,
Вероит эрклуь, мозоллуь.

Гѣемме гІэилгьой хори
Бигьил зигьуьт дуьлшоргьо,
Э раче рузгьой васали
Хунуьт раче мэгІнигьо.

Дануьсденуьм невелегьо
Мимунит эжигей келегьо,
Ишму биёвгьой ватанит,
ГІэлем юре тик веберит.

ХУНИМ МЭГІНИ

Поксдем э лов нуькере,
Денишире э шэх-шэхэ,
Чуьтам зури гІовгьой эну
Хьэрекети пушо рафде.

У гьенжунде богъ-богъчере,
Доре гьувот гьер дигьбоне,
Бошу кумек эй инсонгьо,
Зигьуьт гьер вэхд э булигьо.

Меремогe эгер эз ме,
Чуьн нуькере эй инсонгьо,
Гофгьоре э бенд беседе,
Кем несохде эшгъ эн дуьле,
Михундум ме гье мэгІнигьо,
Бигьил бошут никедуьлгьо.



РАЧЕ ЧИГЪРЕТ

Назуьшменде раче чигърет
Гьисд шори дуьл эн жовони.
Шевиш, рузиш гьисдуьм гузет,
Хосдеи ме энжэгъ туьни.

У сиегье, раче чумгьо,
Венгесд э дуьлме муьгьбете.
Сохди мере бенд угьо,
Мекуьш, гуьзел, туь гьисмете.

Мебисдоге пардуьш мере,
Зу э кин туь пар мизеруьм,
Шоре метлеб жовонире,
Эритуь ме мигуфдируьм.

Дуьл ме хомуш гьич вэхд нибу,
Тейте эз туь гоф вегирде.
Гьемишелуьг хьозури у,
Э туьревоз эри гешде.

Шевиш, рузиш мигирисуьм,
Эге туь «нэгI» гуфдириге.
Лап мозоллуь ме мибошум,
Э ме гьисмет бисдориге.

ДУРИМ ЭЗ ЕКИ

Туь офтои, ме менг нисдуьм,
Оммо гьердуь гьисдим бедбэхд.
Туь тэхьнои, меш е текуьм,
Зури-зури рафдени вэхд.

Шев giroшде бирени руз,
Соймишигьо бире сергъуз.
Чуьн офто ве менг шеви,
Нивохурим гьич эеки.

СЕВГИЛИ

ГӀэзоб гӀуьлом э дуьл дарафд,
Туь рафдеки, ой севгили.
Э чумгьой ме хов неварафд,
Туь рафденки, ой севгили.

Дегиш бисдю эвир гьово,
Бивэхд пажи гьуьзуьлгуьулгьо,
Э руй хори сер но угьо
Туь рафденки, ой севгили.

Туь себебсуьз уч бисдори,
Э зир пойме лерзи хори,
Селт вир бисдо, дур рафд шори,
Туь рафденки, ой севгили.

Ранг эн руй ме вешенд зерди,
Эки гуюм и чуй дерди.
Товуш чумгьоймереш берди,
Туь рафденки, ой севгили.

Рузгьой гӀуьмуьр дегиш бисдо,
Жовоне сер э дерд офдо.
Сие муйгьо, сипи бисдо
Туь рафденки, ой севили.



СИЕ ХОЛ

Геймиш бирет э гуьлгьой васали доргъо,
Туь, ёр, ширини эз гьеммей энугъо.
Биё ёр, геймиш бире тегьер гуьлгъо,
Шевиш-рузиш э рэхътуь деруьт чумгъо.

Э ховиш чигьреттуь э пушоймени,
Бэхд мени туь, хэндей эн ловгьоймени.
Пейлей гловеш эз лэгIэйме минорум,
Зу эз шори туьре ме гъэл мигирдуьм.

Сие хол э руйтуь ярашуьгъ доре,
Эри гьер ярайме у офди чоре.
Э жигейтуь екиш нидануь бире,
Биё ёр, метлеб дуьлме, воку дере..

Гьем эшгъ мени, гьемиге эй дуьл шори,
Туьни хосдей дулме э руй эн хори.
Мегу, хосдегортуь эз хьол офдори,
Биё ёр, чум ме э рэхътуь дери.

МИБОШУ ПЕШМУ

Ме гIэзиет хурдеки, мисохди шори,
Э раг дуьлме у кор сохди бедкори.
Дануьсде бош дие дор бегьерсуьз мимуну
Гъисмете пой зенуьгъо, бирени пешму.
Бирмунди хуьшдере э тегьер эн кес.
Вир бисдо э и дуьл добугъо хъэвес.
Огол зеригеш, дуьл нивогорду.
Гъисмете пой зенуьгъо бирени пешму.
Э рэхъ туь кеширем омбаре жофо,
Оммо не вегирдуьм е гилеш софо.
Эйчуь ведиромори туь э ёр бейбофо,
Гъисмете пой зенуьгъо бирени пешму.

Эгер изму пешму бирейгеш сэхд,
Дануьсде бош ёр, э туь дие нибошум гьнсмет.
Нум ёре гирденгеш мибоши хьэсрот,
Гьнсмете пой зенуьгьо бирени пешму...

БИЕ ЁР

Биё чуьн гульгьой васали,
Дуьле эшгъ ди, севгели,
Хун мэгІнире, чуьн бульдуьр,
Вараисде, тегьер гуьл.

Жейронме туь, гуьлме туь,
Имидлуьнуьм миёй туь,
Э сер догъгьо туь гешде,
Эри муьгбет мэгІни хунде.

Лап гужлуьни эшгъ дуьлме,
Ерсуьз пучи гІуьмуьрме.
Вихдем туьре эз гьезел,
Эйчуь рафде дур, гуьзел?

Бегем ёре хоюгьо,
Гьечи рэхьмсуьз бирени,
Э рэхь туь де дуь чумгьо,
Э ме неве тэхсири.

Дегеш рэгъиб э гІэре,
Мекуьш муьгбет дуьл мере,
Бош туь хьэлол, чуьн ковтер,
Парзе биё экин ёр.



ЭРИМЕ ОФИРЕ ОМОРЕЙ

Эз зуревоз э туь бендуьм,
Туьсуьз чуьтам гуьом хэндуьм,
Туьре эз ме хэбер нисди
Энжэгъ дуьл ме э туь бенди.

Гъузуьлгуьлгъо селт бири лов,
Гьер тарафе сохди тов-тов.
Рачи энугуьлгъо туьни,
Дуьл эри туь хьэсротини.

Эз раче сес овоз буьлбуьл,
Хэбер бири ченд жире гуьл.
Дуьл э сине тоб нис доре,
Воисдени туьре дире.

Э туь ухшеш екиш нисди,
Эри ме туь келе бэхди.
Э кес гъисмет нигьлуьм бире,
Эриме омореь офире.

ОШУГЪ БИРЕМ

Гуьле хуно очмиш бирей,
Ошугъ бирем э туь, духдер!
Туьре дире, бирем ме шор,
Бэхд мени туь, ширине ёр!

Туьни мелхьэм эн гьер яра,
Дуьлмере туь месох пара.
Дур мевирих эз хосдегор,
Бэхд мени туь, ширине ёр!

Эри шевме туьни товуш,
Гьер гофтуь гьисд эри ме хуш.
Ширини туь тегьер онор,
Бэхд мени туь, ширине ёр!

Лап рачгьоюш ниберуь борж,
Эри руй туь, мегьил михьтож,
Биё сох мере дуьл шор,
Бэхд мени туь, ширине ёр!

ДОР Э СЕР БИЛОГЪ

Чуьн гьэреул э сер билогъ поисдей,
Лугегьоре э чор тараф лов сохдей.
Савзе велггьо э гуш-гуши дебире,
Дирегьоре эри еки гуфдире.

Духдерун догъ э ён билогъ оmore,
Дуь эй еки дуьлгьошуре гуфдире.
У гофгьоре гьеммере туь шинире,
Дануьсдени пэхьни сохде сургьоре.

Соймишигьо э соей туь нуьшденуьт,
Дуьлгьошуре унжо серин сохденуьт.
Эй инсонгьо де у коргьо сур нисди,
Эйтуь угьо чендгьэдериш хьюьрмети.

Кошдегор туь, гьелбетки дануьсди,
Эри ники туьре инжо у кошди.
Кини у мерд туьре инжо кошдегор?
Е богьдори енебуге рэхьгирор.

Ки гьисдигеш никисохи у ёгьин,
Унегуьре ме не бире гьич гьемин.
Шоре мэгІни эри туь, дор, хунденуьм,
Кошдегоре эдей тэгІриф доренуьм.

БУ ГУФДИРЕ

Туь кукме гьисди э серхьэд,
Ватане эй дошде гьэлхэнд.
У гьисд эн туь гьэрд жовони,
Хосде ловой эн дедеи.

Лап э дургьо туь гьисдигеш,
Туьре дире хосденуьмгеш,
Миденишуьм те оmore,
Токи гIэзиз дор Ватане.

Э гьер верэгь когьозгьойтуь
Пури метлеб ватанхогьи,
Э гьер келмей эн гофгьойтуь
Пури ниет келе дусди.

Гьер вэхд гьувот мидуьм туьре,
Бош дошдегор эн шолуми,
Хэлгьгьой гIуьлом бу гуфдире
Гьеммишегьо бирор еки.



МЕПОЙ

Гьер себэхь себэхьмунде,
Пушой мере эйчуй гирде?
Э чумгьой ме тиж медениш,
Нисоху угьо туьре гьимиш.

Ме эри туь дусд нибошум,
Муьгьбет дуьлеш ме никуьшуьм.
Муьгьбет гьер вэхд азад бири,
Э гужевоз нивегири.

Эй туь муьгьбет неде э дуьл,
Негьогь эйчуй бире билбул.
Э гужевоз бугьо гьисмет
Эри екиш ниёру бэхд.

Кулок-зуьгIбе бисдоруьтгеш,
Верф ве воруш оморуьтгеш,
ГIэтош муьгьбет сокит нибу.
Эри туьш у дэгIэм нидуь.

Меёр мере туь лап визор,
Негьогь мепой э зир эн дор.
Хосдей дуьл ме гьисд э дури,
Э дуьл муьгьбет энз дери.

МЕРЕ ХЬЭЗ ОМОРЕ

Мере хьэз оморе денишире,
Раче чигьрет догьгьоймуре.
Электриш ишуьгь доре.
Чуьн астарай эн зуьм-зуьме.

Мере хъэз оmore денишире
Чуьтам васал, эз гIэрей догъгьо.
Шэх-шэх рихде нуькерегьо,
Вараюсдет эз гуьл доргьо.

Мере хъэз оmore денишире,
Э гешдеки жовонгьоре.
Э жилгъэгьой гIэрей догъгьо,
Шоре муьгъбет пур э дуьлгьо.

ЛОВОЙ ДЕДЕ

Гьетте гъэнет муьхъкем бире,
Гъуш хьозури эй паруьсде.
Гъишде лулей эн хуьшдере,
У э дури гъэнет куфде.

Ферзендгьоймуш э гъечунуьт,
Тегьер эн гъуш келе бире.
Эз дедейгьо гуфдиренуьт:
— Хьэлол сох туь э ме шире.

Э рэхь эдем ведарафде,
Небу боши дедей, гъэгъри,
Биё офум рэхь эй хуьшде,
Вэхд рафдей ме изму бири.

Дуьл эн деде гъелбет могъбул,
Гьетте шинре мибу суьфде.
Песде мибу у шоре дуьл,
Балай куке рач фегъм сохде.

Сер мигируь ловогьоре,
Эй ферзенд эри хосде;

— Бура, кук ме, рэхь шорире,
Ватане туь э дуьл дошде.

Фурмуш месох хок хорире,
Э коминжо келе бирей.
Ве гьемчуьн у инсонгьоре
Эз ки, жун ме, эшгъ вегирдей.

Э чуь жигеш бисдориге,
Дан ки туь одомини.
Коми рэхьэш туь рафдиге
Инсоньети хьуьрмет туьни.

НИСЕ МУЬРДЕ

Гирошдуьтгеш омбар салгьо,
Чигьрет эн кук фурмуш нибу.
Те чумгьою хьэрзо гьисдгьо,
Дедей кукке гье мигешдуь.

Нидануь гьич дуьл эн деде,
Е мэхьэлиш сокит бире,
Согъ гьуьмуьр, ю, лово хосде,
Огол зере ферзенд юре.

Э хуней кук у лампере,
Дегесунде хомуш мибу.
Когьозлегьой довгоире
Э ён лампе у михуну.

Эз гуниле офдонугьо,
Нивэхизуь, сер тик гирде.
Эри Ватан жуне нуьгьо,
Гьич е вэхдиш нисе муьрде.

Чигърет энугъеммишелугъ
Эй хэлгъ Ватан ве эй деде.
Гъем гъуьзетлугъ ве гъем буьзуьрг
Едигор ве гъезиз мунде.

О, ОДОМИ

О, одоми, хъэсуьл оморей,
Вокурденге чумгъой туьре,
Эйчуь эхи бед гирисде?
Биразии туь бирмунде?

Офирей оморей туь эй ники,
Зигъи гугъре верзирени,
Э азади туь зигъисде,
Вараюни согъ хорирей.

Дануьсденуьм одомигъо
Гъемме е жуьр нисе бирей,
Гъэрд инсоней эй бирей хуб,
Негъогъ гъуьмуьр несохде пуч.

Инсон хъэсуьл оморей
Гъисди келе бэхдеверей,
Эгенер э Ватан хуьшде
У бисдоге верзирени.

Ме хосденуьм эй инсогъо,
Винуьт шорей никей рузгъо,
Согъ гъуьмуьре рач зигъисде,
Невинирей могъбулигъо.



Э СЕР ГЪОВРЕЙ ДЕДЕ

Э сер гъоврей туь поисде,
Эй сес туь ме хъэсрет бире,
Шевиш-рузиш суьгъде деде,
Туьре эдем огол зере.

Эйчуь, дедей, туь зу муьрди
Э сал гIуьмуьр нерасире.
Эйчуь гъечи езугъ гъишди,
Эйки гуюм ме дердмере.

Дерд ферзенде энжэгъ деде,
Дануьсдени вогу сохде.
Оморей эй не вогошде,
Балай туьре дердлуь гъишде.

БУРА РЭХЬ НИК

Дедей куке рэхь сохдеки
Э муьгъбетевоз дениши,
Гъэл дешендуьт э гъэл еки,
Эз дуьл лугъонд «ох» вокоши.

Э пушой дедей гъе у туьтем,
Гуйге у гирошде рузгьо,
Оморут поисдуьт бирден,
Эз чумгьош рихдуьт гIэрсгьо.

Гъечи эзи бисд сал пушо,
Вэхд эн довгIогьо гъисди,
У шуьвере гъечи ебо
Рэхь сохдебу э солдати.

У жогъиле гІэруьсле бу,
Шуьвер э довгІо рафденге;
И кукле э гъужогъ вебу
Дуьшме угъоре дур сохденге.

Э дуьшмеревоз женг берде,
Шуьвер эз довгІо невогошд.
Жун хуьшдере гъурбу сохде
Чуьн дедей Ватане дошд.

Гирошдуьт рузгъо ве салгъо,
Э гІуьлом омо шолуми
Кукле бисдо келе пойгъо
Э и улкей эн хуьроми.

Бэгъдовой бисд сал гирошде
Гъечи кук э жигелей бебе.
Изму шори, эдей рафде
Ватане гъурлугъ эри сохде.

Эри дедей гъечи омо
Гуйге э жигей эн кук ю
Оморе поисд гъеебо
Пуч биригъо шуьвер ю.

Гъе у гъоши, гъе у чумгъо,
Муьгъбетлуьни, мигъровуни,
Гуйге гъе у хэнде ловгъо,
Э ю исэгІэт денишири.

Дуьл эн дедей диеш могъбул
Бисдо э и хэёл дери,
Гуйге домунд у э билбул,
Дуьл ю э лой эн кук вери.

— Чуьни дедей, эйчуь гьечи?—
Э руй деде денишире.
Кук дуьл песо бисдо ечи,
Сер гирд эз у эй пуьрсире.

Лове э хэнде веберде
Дедей гуфди эй несигІэт:
— Бура рэхь ник э жоборде
ГІэзизе лешгер эн совет.

Бебере хуно Ватане
Дор гьеммише ГІэзиз-хуьром,
У шовгІой боворине
Тевесер ги э гуІлом.

ВЭХД ЖОВОНИ

Тегьер богъгьой эн васали,
Гьечу рачи вэхд жовони.
У гьисд васал зиндегуни
Ве биёвгьой эн инсони.

Бош туь жовон хосдей эн дуьл,
Рачи ди туь тегьер эн гуьл.
Ватан эз туь шори соху,
Имид э туь ёгъин бесдуь.

Рэхьгьой ГІумуьр лап омбари,
Угьо эйтуь очмиш бири.
Хубе рэхьэ дан туь вихде,
Э дузе рэхь ёгъин рафде.

Увэхди мофи мозол ве бэхд,
Рузгьош мибу эйтуь хушбэхд.
Мидани туь офде софо.
Ве тэгІрифи э гъэд жофо.

БОВОР СОХДЕНУЪМ

У руз, кейки чум вокурде
Э и дуьньегь дениширем,
Гьемишелуьг дусди беседе,
Инсонгьоре бирор гирдем.
Эз гІэили бовор сохдем,
Э ишму ме, одомигьо.
Дануьсденуьм гьэрхунд бирем
Эй вегирде тербиегьо.
Бовор сохденуьм э усдогьо,
Комигьоки вокурденуьт,
Э шофергьо ве летчикгьо,
Комигьоки э рэхь деруьт.
Бовор сохденуьм э духдиргьо,
Сохденуьтгьо дур гІэзоре.
Э солдатгьой эн серхьэдгьо,
Дошденуьтгьо динжимуре.
Э ишму ме боворинуьм,
Ишмуш э ме бовор сохит.
Эй инсонгьо ме хосденуьм,
Дуь-екире омбар хогьит.

ДУСД

Дусд эри инсон гьисди мелхьэм,
Дусд бугьо инсон никешуь гьэм.
Э дусд бугьо жиге нибоши ёд,
Хуьрметиш унжо мибошу зиёд.

Дусдсуьз парандегьош низенуьт гьич пар,
Бигьил бошут э гьер жиге дусдгьо омбар.
Дусди гьэнет инсони, дусди гІумуьр жуни,
Дусдсуьз гирорутгьо рузгьо эри чуьни.

Дусдире гъувот дим, бироргъо,
Нисд гердо эз гІуьлом дуьшменигъо.
Эри дусдгъо очугъи дергъойму гьер вэхд,
Эри нэхогъгъо гъопугъош гъисдуьт сэхд.

ФУРМУШ НИСЕ СОХДЕ

Э гІуьзет С. Изгияев.

Чуь зу рафди эз кин иму,
Туь имуре гъишди пешму,
Бегем шогъир гъич муьрдени,
У ки хэлгъэ дусд хосдени.

ГІуьмуьр комос эйчуь биё,
Бурав хубгъо эзи дуьньёгъ.
Бегем усдош вир бирени,
Шогъир усдой эн гофини.

Эй шолуми ве эй дусди,
Дестонгъой туь кумег гъисди.
Бегем дусдхогъ фурмуш бире,
У э дуьлгъо гье дебире.

ГІэзизе кук эн хэлгъ бири,
Хэлгъэ туь лап хосдембири.
Бегем хэлгъхогъ, хэлгъэ гъишде,
Мирав эри невогошде.

Э сер лэгІэ мугъум вери,
Э хундеки шоре мэгІни.
Эйчуь биё эз кор пою,
Дуьл мэгІнихун кор не соху.

Нимелитуът у дестонгъо,
Туь нуьвуьсде сер гирдейгъо.
Гене угъо гъич нимуьруът.
Гьеммишелуьг гье мизигъуът.

Нум эн шогъир гъисди одлуь,
Хэлгъ э у нум гъисд имидлуь.
Шогъире хэлгъ гІээиз дошде,
Гъич вэхд фурмуш нисе сохде.

О, ДОГЪИСТУ!

Тегьер эн гъуш мескен зерем э догъгъо,
Чуьн эй чупон, хунеймунуът ейлогъгъо.
Мелхъэм сине гъисди эвир эн богъгъо,
О, Догъисту, туьни гІээиз эри ме.

Пар зерумгеш э дургъо, тегьер гъуш,
Э лудейме мивогордум, бире хуш.
Эй ме хоши гъисдуът доргъо ве сенгътуьш.
О, Догъисту, туьни гІээиз эри ме.

Э ченд зугъун мэгІни хунде пир-жогъил,
Дусди ишу гъисди темиз-жовогъил.
ГІовгъой чешме эдет доре рач руьгъ-руьгъ,
О, Догъисту, туьни гІээиз эри ме.

Бегем мибу эз туь жура гъич бире?
Гьер куьнж туь эриму гъисди чуьн хуне.
Туь дорени эшгъ мэгІнигъой шогъире,
О, Догъисту, туьни гІээиз эри ме.



ХОСДЕНУЪМ ТУЪРЕ, ВАТАН

Туъре, Ватан, ме хосденуъм,
Шоре улкей эн азади.
Эдей эй туъ ме хунденуъм,
Мугъумлуъе шоре мэгİни.

Милетгъой туъ лап омбаруът,
Туъре гІэзиз дошденуътгъо.
Дуъ эй еки чуън бироруът,
Екире дусд хосденуътгъо.

Угъо гъемме гъовхоберуът,
Эри дусди ве азади,
Ве гъем гъэлхэнд шолуминуът,
Дур бу гуфре эз хэлгъ беди.

Бигьил зирпой бугу дуъшме,
Туъре ки нис хосдениге,
Ве шолуми эн гІуълومه,
Гъоим ки нис дошдениге.

Сохде туъре диеш гужлуъ,
Э гуъллуъ богъ мичаруним,
Гъисдим хьозур э гъуллугъ туъ,
Туъре гІэзиз деш мидорим.

Хьохмой Ленин, рэхъ бирмунде,
Коргъоймуре гъувот доре.
Партиейму эдей сохде,
Рэхъберьети гъеммеймуре.

Тозе гІилмгъо иму хунде,
Эшгълуъ жофо кеширеним.
Э гІэзизе Ватан хуъшде,
Коммунизма мивокуним.

БЕЙБОФОЕ ЁР

Туь лап рачиш нисдиге,
Энжэгъ туьре хосденуьм.
Суйфде туьре диренге,
Э туь ме бенд бисдоруьм.

Эйчуь, эз ме дур гешде,
Дуьл мере туь сухунди.
Нидануьм ме зигьисде,
Энжэгъ э туь дуьл бенди.

Ини гофгьой эн муьгьбет,
Гуфдирейгьо туь э ме:
«Мибошим иму гьисмет,
Нидуьм э кес ме дуьле».

Ме бейбофо нибошум,
Туь бейбофе гьисдигеш.
Туьре фурмуш нисохум,
Эн ме не бисдоригеш.

Дегесигеш эшгъ муьгьбет,
Нибошум ме дие бенд.
Гьэгьр сохде ме э гьисмет,
Бирем езугъ, дердименд.

ГИУЪЗЕТТУЪНИ

Нисд екиш куьнд эри бала эз деде,
Четинире деде э рэхъ ю берде,
Эри деде туь дуьлтвьере вокурде,
Эзу омбар, туьре екиш нис хосде.

Деде хъэсуьл овурдени ферзенде,
Хосдени у винуь ники овлоде,
Согъ гІуьмуьр бирени у ловочи,
Эй гІэилгьо гье хосдени хушбэхди.

Гьич евэхдиш э дедегьо ферзендгьо,
Гъэрд ишуре бегьем тегьер нис доре,
Бега нисдуьт гьеймогьоиш ужуьргьо?
Келе бире. гуш нис гирде дедере?

Эз гоф деде небу поит э дури,
О, балагьой келе деврон хушхьоли,
Сохит уре лап вегирлуь, хьуьрметлуь,
Данит у кор эришмуни гІуьзетлуь.

О, ВАТАНМЕ!

О, Ватанме! Эриме гу
Эйчуь туьре дуьл хосдеге?
Сур нисдиге эйме воку,
Чуьтам э дуьл гуьрдей жиге?

Белкем буьлбуьл руз эн васал,
Хэненуйме э дор вери,
Хундиге у эри Ватан
Мугьомлуье раче мэгІни.

Белкем э ён эн гүфере,
Э хундеки дедей ненуй.
Эри бала у гүфдире:
«Туь эй Ватан веро хушбуй».

Белкем бебе, эз гьул гуьрде,
Гердундеки э сейл мере,

Гьер тарафе у бурмунде
Ве ватане хогь гуфдире.

Эзуними, гІээзиз Ватан
Ве э дуьлиш муьхькем нуьшди?
Эри эвлод, сэхд гъэдуьрдан,
У эз гьер чиш зиёд гьисди.

СОЙМИШИ

Ме шор бирем туь оморей гуфдире
Эйчуь гьечи зу вогошде, соймиши?
Ёровурди эдем доре дуьл мере,
Дерде зиёд месох гьони, соймиши.

Эйчуь гьишде мере дерд-гъэм кешире,
Шевгьо-рузгьо э фикиргьо пичире.
Гьер гоф туьре чуьн дерд э дуьл вечире,
Негьогъ месох гьисмете дур, соймиши.

Дануьсденуьм муьгьбет гьер вэхд гІэзоби,
Дуьл ме эй туь де нисоху битоби.
Вогошдигеш, ме мигуюм туь ёди.
Де сур мереш э туь нидуьм, соймиши.

ДУЬЛМЕРЕ Э ГОФ ОВУРДИ

МэгІнире э гьечу туь хунди,
Дуьлмереш туь э гоф овурди.
Бируьм ме бейхэбер эз муьгьбет,
Э дуьлмеш пэхьни бу у ниет.

Имугьой офдорем э думит,
(Эй энү мере гІэйб месохит).

Кими вэхд дуьлпесо биренуьм,
Дусде ме зу дире хосденуьм,

Пенжере гьони гьисд вокурде.
Дуьл хосде руй э руй вохурде,
Сес мэгІни омоге эз дури,
Мигуюм севгили оморі.

БИЁ, ДУСД, БЕЙХЭБЕР ДЕРЕ ВОКУ

Э ховиш нис гьиште мере динж,
Муьгьбет ю сер мере сохди гиж.
Бурмунде хуьшдере, бири дур,
Э рэхь ю домунди битев жун.

Увэхди офдорум э фикир
Ве сохдум хуьшдере ме селт вир.
Бэгьдовой хушбэхде руз васал
Гиросди имогьой дуз дуь сал.

Чумерэхь, гузетуьм севгиле.
Хосденуьм ме уре эй дире.
Погонгьо э пардуш чаруьсде,
Зу пар зе, эз дургьо паруьсде.

Биё, дусд, бейхэбер дер воку,
Шоре лов, туь э ме дуь гоф гу:
«Васали, чуьн гуьлгьой энуним.
Хушбэхди екире хосденим».

Увэхди ме пэхьни мидорум,
Гиросде дердгьореш нигуюм.
Эжигей энугьо десдей гуьл
Севгили ве дусде ме мидуьм.

НЕНУЙ-НЕНЕМ...

Ненуй, ненуй ненем-ненуй...
Хис, гІэзизе балай деде.
Бош зу келе, веро хушбуй,
Хис туь ширин, чум сэхд сохде.

Шаргьой дерьёгь, беде кулок,
Зуте бошит ишму сокит.
Менглуье шев—астарепок,
Ишмуш гьони гьэреулит.

Парандегьо жив-жив зере,
Эйтуь эдет мэгІни хунде.
Тегьер гьушгьо келе бире,
Туь миварай деш буьлуьндте.

Дедей хосде боши жоборд,
Вини ники биёвтгьоре.
Ини эри дедей мирод:
Винуй хушруй балагьоре.

Ненуй, ненуй, ненем-ненуй...
Хис, гІэзизе балай деде.
Бош зу келе, веро хушбуй,
Хис туь ширин, чум сэхд сохде.

МОЗОЛЛУЬЕ ДУХДЕР

Духдер догьум, ме кеширем дерд- гІэзоб,
Тегьер эн гьуш э гьэд гьэфес дорем тоб,
Ме лол бируьм, ихдиёрсуьз эй жугьоб,
Пушотегьо гьисмет духдер бу гьечи.



Бебе-деш дерд михундут эришу,
Тозе гІэил духдериге бу пешму,
Эвлод нихунд денилере эришу,
Пушотегьо гьисмет духдер бу гьечи.

Мигуфдируьт нис гуьнжуьсде э духдер
Бурав хуну, дананию бу звер.
Мигьишд уре эз кор гІуьлом бейхэбер.
Пушотегьо гьисмет духдер бу гьечи.

Гоф духдере буёгь нигуьрд келете,
Нидануьсдуьт гьэдуьр дусди муьгьбете,
Нивотову соки ишу гьирьете,
Пушотегьо гьисмет духдер бу гьечи.

Мигуиге эри парче бу совдо,
Мифурухдут духдергьоре, мивосдо,
Рази бируьт дуьруьжде пул ки мидо,
Пушотегьо гьисмет духдер бу гьечи.

Нипуьрсируьт разименди духдере,
Минкин небу винуь ебо доморе,
Огьил буге пул омборте восдоре,
Пушотегьо гьисмет духдер бу гьечи.

Нивинируьт екиш чумгьой гІэрсире,
Тегьер лигьоб мигьишд перде кешире,
Мигуиге эдей берде есире,
Пушотегьо гьисмет духдер бу гьечи.

Эй екигьо имбуруз бу гІэруьси:
Гогь сес гьовол, гогь сес ошугь ве сази.
Энжэгь гІэруьс дердименд бу бирази
Пушотегьо гьисмет духдер бу гьечи.

Согъэ гІуьмуьр э зир кели ве тевер,
Э зир эн муьрс ве серкуши эн шуьвер
Мидомундим лов заруьнжи, жон хэгьер,
Пушотегьо гьисмет духдер бу гьечи.

Темиз бисдо эвр эн гьово селт бирден.
Эз зир эн муьрс хилос бири гьони зен,
Дие нибу лов заруьнжи, дердименд,
Мозоллунни гьисмет духдер э и девр.

Нисд сенигІэт гьони зенгьо не хунде,
Э гьер коргьо гьинорменди бурмуьнде,
Гуьлишоне зиндегуни вокурде,
Мозоллунни гьисмет духдер э и девр.

Тегьер деде шолумире хосдени,
Тегьер духдер дусдире сэхд дошдени,
Тегьер эвлод Ватане у хосдени,
Мозоллунни гьисмет духдер э и девр.

ЭРИ ДЕРБЕНД

Эри туь хунденуьм мэгІнире,
ТэгІрифи доренуьм дусдире.
Туь гьисди, чуьн шегьер, гьэдими,
Эри ме чуьн Ватан гІэили.

Э тегьер эн сенгьгьой садсали,
Тоб дори хэлгь зурбо четини.
Могьбули ве гІэзоб бу гьисмет,
Нике руз, товуши бу ниет.

Эз вэхд Октябрь иму азадим,
Хубе руз эдее диреним.
Пушоте туь бири шегьер дерд,
Имуьгой гуьлуь богь гьисд Дербенд.

Кучегъо геймишуът, чуьн синбогъ,
Эвир ю темизи, чуьн ейлогъ.
Хэлгъгъош эеки бироруът,
Гъемиге мозолменд, дуьлшорут.

Эри туь хунденуьм мэгІнире,
ТэгІрифи доренуьм дусдире.
Туь гъисди, чуьн шегьер, гъэдими,
Эри ме чуьн Ватан гІэили.

ИМУРЕ ВОИСДЕНИ ШОЛУМИ

Ини метлеб эн хэлгъ иму—
Бугу э гІуьлом шолуми.
Ниет хэёл эн дуьлгъойму
Гъисди шори ве хуьроми.

Ини метлеб эн хэлгъ иму—
Азад ве шор зигъуът хэлгъгъо
Э гІээзизе Ватан иму,
Яравуьш дуът раче богъгъо.

Ини метлеб эн хэлгъ иму—
Мозол, ники овурдеи.
Уни гене метлеб иму
Коммунизм вокурдеи.

ГІЭИЛГЪОЙ СОВЕТИ

Хуше рузгъой мозолменди,
Рэхъ хундеи—эгъуьлменди
Дори Октябрь эвлодгъоре,
Балагъой эн Ленинире.

Эз гІэили те келеи,
Эри бире верзирени,
Э туь Ватан ве партия,—
Эн гьеммейму ини войге.

Хуше рузгьо, хосе муьгьбет...
Зиёдтегьош гьисдим гузет.
Мивокуним дигьбон, шегьер...
Метлеб иму мибу бегьем.

ДЕВРМЕ

Ишму, девргьо, ченд гирошдейт,
Эри хэлгьгьо дерд-гьэм гьишдейт.
Оммо деврме эзу девргьо
ТефигІэтлуь гьисди зурбо.

Чуьнки и девр Октябри,
Девр азади, гьовхобери.
Э женг деруьт, гІэреб, индус...
Эй азади э имбуруз.

Тегьер васал—хушбэхдини,
Эй гьер миллет мирод уни.
Ние рихуь гІэрс инсонгьо,
Шори хосде гьемме хэлгьгьо.

О, инсонгьой келе деврме,
Муьхькем дорим шолумире.
Нерихуь хун, небу беда,
Бошим гьэлхэнд эй хушбэхди.



Э МОВЗОЛЕЙ В. И. ЛЕНИН

Мижей чум пур мибисдо гIэрс
Ве жендекиш мофдо э лерз,
Диремунде ме жоборде,
Тегьер хисире, динж дегешде.

Форигъэти у недири,
Чуьнки рэхьбер келе деври.
Эзуни вождь нисе муърде,
Бесгъунире эй хэлгъ куфде.

Гуйге э кин несигIэтдор
Оморенуьт хэлгъгъо омбор,
Эй вегуърде меслэхъэти,
Гъовхобергъой эн азади.

Эй ме гъечи оморени
Гуйге хэбер бире гъони
Ве мигую у эз иму:
«Хушбэхд бошит диеш изму».

...Эз зеверсер эн Мовзолей,
Гуйге жесде э ворилей,
Лой-лум эдей хурде чуьшме,
Уш чуьн иму дуьлшор гешде.

НЕСИГИЭТ ДЕДЕ

Дануьсденуьм туь, кук ме, гъисд гIэзизи.
Дедей миё эз эвлод бу сэхд рази.
Игид Ватан кук бисдоге гъисд мозол,
Хурде шириш э туь мибу ниш-хьэлол.

Тейте туьре келе сохде дуьл деде
Михосд лово: невини дерд, довго де.
Дан туь гъэдуьр шолумире имбуруз,
Хэлгъгъо дие небу дердлуь, серегъуз.

Э гуьмуьр туь бисди зиёд расирей.
Руй бебере туь, гІэилме, недирей.
Согъ могошдге мидо туьре несигІэт.
Дсдей норе эри туь рэхъ исэгІэт.

Тегьер дедей, ширдор бала Ватани.
Гъич вэхд эзу журо бире нидани.
У гьем гъувот, гъеми эшгъи эй игид.
Э гьер женггъо э Ватан бош туь имид.

Дануьсденуьм туь, кук ме, гъисд гІэзизи.
Дедей миё эз эвлод бу сэхд рази.
Игид Ватан кук бисдоге гъисд мозол.
Хурде шириш э туь мибу ниш-хьэлол.

ТЭГІРИФИ ДЕВР

Рэхъ вокурдет э эвр гъово,
Жевлон зере рузгъо-шегъо.
Астарагъой ковре асму,
Тегьер гъунши бирет изму.

Гъэнетсуьзе гъуш пулати,
Жофой желде хэлгъ Совети,
Э эл гуьлом нишон бурмунд
Ве э космос рэхъэ вокурд.

ГІэил ве пир, гъозор милет,
Гъемме хэлгъгъо тэгІриф дорет

Кук партией эн Ленине,
Игид хэлгъи—Гагарине.

Космонавтгъо—тэгИрифи девр,
Игидгъойму меравт зевер.
Миёв у руз э Венера,
Инсон мерав э угIэре.

ЭШГЪ ЭН МУЪГЪБЕТ

Эдей сухде э дуьл гIэтош,
Нисе бире дие ёвош.
Уре муъгъбет дегесунди.
Э и хъолиш у расунди.

Учмиш бире, тегьер серсон,
Вир бирени сабуър инсон.
Э сер догъгъо, е э дере
Эдем жесде, гъэнет зере.

Расде дусди—уни муъгъбет.
Небисдогеш белкем гъисмет,
Энжэгъ бесде, сэхде имид
Ве женг беруь, тегьер игид.

ТУЪРЕ ДИРЕНГЕ

Битмишигъо согъ зимисду
Герме рузе гузет сохде.
Эз еки дур бирейим изму,
Туъре дире дуьл ме хосде.

Миёв у руз герми-хуъром,
Битмишигъо хъэз мисохут.

Мереш мирод гьисд э гҮуьлом,
Дуьлгьой дусди зу вохурут.

Дириритге: боромей гуьл
Суьфде бире гҮожиз, сергьуз.
У гҮэйбе-гҮэйб, эз гьэд энгуьл,
Велг лов сохде, бирени дуз.

Тегьер гуьл богъ, э шоре руз,
Руе еки вохурденге.
Нипоюм ме гьич серегьуз,
Туьре дуьлшор ме диренге.

ДУСДЕ ДИРЕ, ДУЬЛ МИВЕРОВ

Сер эн шев бу, веромо менг.
Сине эй дуьл гуйге бу тенг.
Астарагьош мидорут шевгъ.
ТэгҮди мисохд дуьл ме энжэгъ.

У тэгҮдиреш гьисди войге,
Эзу хэбер нибу менге.
Сэхд гузетуьм, дусд ме миёв.
Уре дире дуьл ме меров.

...Гирошдетгеш саллгьо омбор,
Угьош, тегьер эн рэхьгирор,
Эз дусди дуьл бейхэберуьт
Ве тегьер менг, чуьн шогьидуьт.



О, ДЕДЕЙ

О, дедей, тегьер суьрх э пембе.
Э гьечу мидошди ферзенде.
Кеме шев туь ховсуьз не мундей,
Те себэхь ненуйгьо туь хундей.

О, дедей, бири вэхд четини,
Э хуьшде хорундей хьижрони.
Имуре не гьишдей туь гисне.
Мидошди э герми эн сине.

О, дедей, серлеш дорд мидоге,
Э хьэлов нечогьи миофдоге,
Хуьшдере э гьер ло мизери,
Чоресох баларе миверзири.

«О, дедей!»—кимигьо гуфдире,
Э дуьл ю е гоф-чи оmore.
Лап омбор гешденуьт дедере,
Вохурде, бэхш сохут дердгьоре.

О, дедей, ченд эвлод туь гьишдей,
Гьеммере э е чум туь дошдей.
Песг эйчуь балагьо имбуруз,
Кимигьо э шир туь нисдуьт дуз?..

ГІЭЗИЗЕ ХОРИМЕ

Хорире—ме Ватан хунденуьм.
Хорире, чуьн деде, хосденуьм.
Хорире сохденим рач геймиш,
Э тегьер эн гІэруьс безетмиш.



Хорини эриму берекет.
Хорини шогъид девр ве муьгъбет.
Имуре у хьэсуьл овурди,
Хьисобсуьз инсонгьош суьперди.

О, хори, гъувот туь зурбои.
О, хори, гъуьмуьр туь омбори.
Хосденуьм ек бошим э гъувот,
Гъуьмуьриш дураз бу эн эвлод.

Инсонгьо, хоятгьо ободи,
Нигъилуьт э гъьлом бу беда,
Яралуь бу хори эз бомбгьо,
Пуч бошут шегъергьо ве хэлгъгьо.

ЗИМИСДУ НЕ ВАСАЛ

Зимисду, сэхд гъэгър вечире,
Бесдебу рэхь эн васале.
Тегъер бурме тик пичире,
Вэхуьшдебу кулок-зуьгъбе.

Хьуьрш зимисду кем-кем поисд,
Зуьгъбей кулок хомуш бисдо.
Хьэл бисдо верф, хиникиш нисд.
Асму очугъ, вокурд офдо.

Эжигей верф гуьлгъой доргьо
Сипре ранге гъобул сохдут.
Беде дуьлгьо бирегоргьо
Э зимисду ухшешинуьт.



ДУХДИР—ДУСДМЕ

Тегьер гузги, палаше глов,
Чуьтам сое бурмундеге,
Оморембу гьер шев э хов,
Чигьрет эн ёр э пушойме.

Шеш сал туьре гузет сохдем.
Вогошдей туь гьони, духдер,
Ниет дусди э дуьл дошдем,
Туьре эз ме нисди хэбер.

СенигIэттуь духдирини,
Эй нечогъгьо сохде чоре,
Чуьтам очугъ гуюм гьони,
Э дуьл дегьо войгей мере.

Эй оморе ме э кинтуь,
Де вогьнейге нисди мере.
Ме жовонуьм ве гьем жонлуь,
Эй дуьл дусди сох туь чоре.

НИБУ ЖИГЕ

Туь эз куче гирошденге
Вохурдени дусдиш, дуьшмеш.
Дуьл ишуре туь нивини,
«Руз эхэйрбу»—ёгьин туь дн.

Эге гурунд туь хуьшдере
Э пушой эл негирдиге,
Кем нисохи хьюьрмет туьре.
Дананменди бирмундиге,
Михою эл гьер вэхд туьре.

Хубгьо гьер вэхд хуби гешде,
У хьюьрмете звер сохде,
Бедихогьгьо гье пес мунде,
Нирасуьт э метлеб хуьшде.
Эй энугьо э гьэд жерге
Гьич евэхдиш нибу жиге.

ПЕШМУНИ

Э гІэили недан бируьм,
Э гьэвл гІуьлом недебируьм
Ве э гьэдуьр бебе-деде
Недебируьм увэхд гьеле.

Оммо угьо шев те себэхь
Эри эвлод бируьт чумрэхь.
Шевгьо ховсуьз кем нимундут,
Хэсде бире эз дерд-думут.

Имугьойле келе бирем,
Э метлебгьош ме расирем.
Кеширенуьм ме пешмуни,
Эйчуь нисдуьм гІэил гьони,

Бошум кумег бебе-деде,
Звер гуьруьм ме хьюьрмете?
Эжит ишму, бебе-деде,
Вогордунум гьэрд эвлоде!?.



ШОРИ ОДОМ

(Юмореска)

Сэхд бедхьол бу зен эн Одом,
Бердуът уре зу э «роддом».
Одом сер гуьрд хьозурире,
Куке мило сохдеире.
Шори юре небу гъэдер,
Килэхь Одом верафд звер.
Тозе кифлет, тозе кукле.
Гъэрол нигуьрд у э хуне.
Келе десдей гуьл восдоре,
Такси э зир у доноре,
Зури омо раси Одом
Э ён гъопуй эни роддом.
Хэгьергили эн зен Одом,
Духдер гъунши, бу э роддом,
Вохурде, сохд пушогири:
— Мере туь ди бошорен.
— Зу бош ебо гу эри ме
Духдер бири, ненго кукле?
— ТефигIэти инжо чуьни?
Бебе доро! Духдер бири.
Офдо гуьлгьо эз дес эну,
Бисдо Одом келе пешму,
Гоф не офд ю чуь гуюге:
— Миёри туь киш гьисдиге!..
Екем рафде, вогошд гене.
«Тэхьно нирам ме э хуне,
Миберуьм зен не духдере,
Гьеле мибу кук имуре».

ШЕКУЪЛ БЕБЕ

Мигьревуне чумгьой деде
Эз сер те пой эн кук хуьшде,
Денишире хуб фегьм сохде,
Гуйге дири уре суьфде.

Э дэгьдэгъэй эн жейлеи,
Э пушой ю оморени,
Чуьтам шуьвер гIэилире
Чуьл екуьм сал фуьрсориге.

Деде-хэгьер, ширине ёр
Еси бируьт, чумгьошуш тор.
Гуйге думон шиширебу,
Ковре асму веди небу.

Э дуьл гьемме дебу шивен.
Эн ки бу кук, эн ки шуьвер.
Гъэл мигуьрдуйт, моч мисохдут:
«Шор вогордош!»—мигифдурут.

Домор биреш е сал небу,
Гьич эвлоче не дирербу.
У сал бири кук эз деде,
Недири у гъужогъ бебе.

Тегьер чендгьо, э келе женг
Дуьшменгьоре дори у мерг.
Э гъэд гIэтош уш домунди,
Эри Ватан хун рихунди.

Бисд сал гIуьмуьр жовонире
У бэхшири кук хуьшдере.
Келе сохде веровунди,
Гьич хьижрони не бурмунди.

— Эйчуь бирей гъэргъ туь, дедей?
Бегем мере суьфде дирей?
Гъэрд эвлоди эри рафде,
Гъэлхэнд Ватан эй поисде.

Дуьл эн деде бисдо гурунд,
Похли-похли у гIэрс рихунд.
Кук диренге хьол дедере,
Сер гуьрдени эй дуьл доре.

— Мегирис туь, гьирке месох.
ШовгIой мере туь гьобул сох:
Верзирени э жофой туь
Миведиром, бош имидлуй.

— Ме сохденуьм э туь бовор.
Дуьл дедере сохош туь шор!
Бура гIэзиз, шекуьл бебе!
Туьни эзуш жовон гьеле.

Войгей деде энжэгъ уни:
Э и гIуьлом шолуми.
Чуьн туьнигьо, гIэзиз деде,
Нике рузгьо винуьт гене.

ВОЙГЕИ ДУЬЛ

Войгегьо, войгегьо, ишмунит хьисобсуьз:
Хосденуьм асмуре ме винуьм думонсуьз,
Чуьшмере ве менге эеки бэхьс гуьрде,
ГIуьломе оводу э гьер ло вокурде.
Э пушой дерьёгьгьо белкем ме дугъ гIовуьм,
Э тегьер е чуькле астарей асмунуьм,
Э гъэриш эл гIуьлом мереш гьисд войгей

дуьл:

Хосденуьм омборте веровгу гъуьзуьргуьл.

ХЭГЬЕР

Э чодур пичире, мигуърди туь ешмэгъ.
Сифетиш пэхъни бу, веди бу чум энжэгъ.
Муьгъбет дуьл духдери, э гьечу бу пэхъни,
Э гIэрей инсонгъо—инсон нисд зен егIни.
Дохьоргъо ве догъгъо чуьтам лол бируьтге,
Зенгъош ки ужире энжэгъ бэхд диретге,
Палаше гIэрс зенгъо пур мисохд чойгъоре,
Пэхъники мигешдуьт эй дердгъо чорере.
Чуьтаме дуьл иму несоху шорире?
Чуьтаме эшгъ небу, эй хунде шогъире?
Э гъэриш син-богъи гуьзеле улкейму,
Э тегьер буьлдуьрчин, хунденуьм ме изму.
Ни бесдуьт, ни духут де лэгIэй шогъире.
Пэхъники ни дуьздуьт духдергъой догъире.
Бегем гъич муьгъбете дуьздире мидануьт?
Муьгъбете эз гъэд дуьл векенде нидануьт.
Имуьгъой, жон хэгьер, сохденуьм ме шорн.
Туь гъисди ударник, ме гъисдуьм зен-шогъир.
Имуре войгеи, у войге нисд пэхъни:
Хушбэхде рузгъойму пур бугу сес мэгIни.

ЭРИ ХОЛИБОФГЪО

Назуьшменде духдер догъи
Э ловгъой ю хэнде вери,
Э жофо ю лап эшгълуьни,
Эдей бофде раче холи.

Э товуше цех фабрики
Кор сухденуьт э бэхъс еки,
Риз эн русму у гешдени
Э раче гуьл чаруьсдени.

Жофогьошу гIуьзетлуьни,
Эрклуигьой эн Ватани,
Энтигьэгьой эн Догьисту
Э согь гIуьлом гьисд вегирлуь.

ТэгIрифменде духдер догьи
Чуьн хоненде холи бофди,
Ленин-бебе унжо вери,
Э иловле гуьлгьо пури.

Десд-десде у гуьлгьоре,
Гуйге эдей гье фирсоре,
Э гьер куьнж келе хори,
Бу гуфдире гуьлишони.

ГIЭТЛУЬЙ ДЕВР ИМУ

Э гIу.зет зенгьо.

Э догьгьойму небу гIэдот,
Зенгьо эз мерд жоборд бошут,
Вожей гIэсбе, тегьер гIэтлуь,
Э дес гуьрде, зонгу зенуьт.

Мисохдут гIэйб ве биёбур:
«Зен эз мейду биё бу дур».
Э кул гIэсб нэгI, э кул эн хэр
ГIэруьс беднум мегошд, хэгьер.

Имугьойле диренуьм ме.
Зенгьо азад бирет гьемме.
ГIэсб пулати ве гьуш гьово,
Э дес зенгьо деруьт угьо.

Эдей жесде, эдей жесде,
Тегьер эн гъуш зу паруьсде,
Пура машин, гуйге пари,
Эдей берде юк э дури.

Надуьшменде дес эн зени,
Руль машине муьхкем гуьрде,
Коммунизма эй вокурде,
Гьер жире юк эдей берде.

ИГИДГЪОЙ ЖОФО

Гаганова нишон бурмунд,
Рафде э пес мунде десде.
Бугеш коргъой десде гурунд,
Сер гуьрд уреш пушо берде.

Гьинор эни зен совети,
Венгесд э дуьл милльонгьо эшгъ,
Эн тозе девр у чигьрети.
Э биёвгьо дорени шевгъ.

Изму э гьер куьнж эн улке
Миофи туь уре хуно.
Поисденуьт э е жерге
Желде кукгьо ве духдергьо.

Кумег бире дуь эеки,
Угьо берде коре пушо,
Эй энугьо гьонун-ники
Гьисди гьони игид жофо.

Э догъистуш е ченд садгьо,
Тегьер желде Гаганова:
Авар, лезги, даргин, татгьо,
Кор сохденуьт тозе жире.

Войгей иму гьисд шолуми,
Шорте рузгьо овордеи,
Войгей иму гене уни:
Девр коммунизм вокурдеи.

ЧУЪ ГЬИШДЕЙ?

Эдет рафденуът рузгьо
Непоисде пушово,
Дениш гьери туь тигъэт,
Чуь офдори э гьисмет?

Мибу ужуьр зигьисде
Ве рафде гьич небире,
Чуьни дие мэгІэно
Эн зигьисдей инсонгьо.

Омонети, нишоне
Эге селт туь негьишдей,
Увэхди нум инсоне
Э негьогьи гердундей.

БОШ КУМЕК

Гогь гьеминуют, гогь хьуьршлуь
Пире Каспий, шаргьой туь.
Дуьл шогьире эшгь доре,
Угьо зенде мугьуме.

Бисдоригеш лап гьемин,
Небу бурай э хифлет,
Бош гьэреул ве кумек
Эри динжи вилеет.

Бигьил гьер вэхл шаргьой туь
Зендуьт раче мугьумгьо,
Бисдоруьтгеш лап хьуьршлуь
Бошут кумек инсонгьо.

ВОХУРДЕИ

Тегьер доргьо, васал биренге,
Вогошд дуьл ме туьре диренге.
Туь сере гьуз гирде гирошди,
Гирошде салгьо мидуьт шогьоди.

Муйгьой сер туь бирет чуьн нуьгьре,
Салгьой г'уьмуьр омбар не бире,
Муьгьбет туьре дори кесгьоре,
Эз кес между гьич тэхсире.

Дусдгьо ниё бу гьич вэхд жейле,
Дебисдогеш рагьиб э г'эре.
Муьгьбете гьич нибу фурмунде,
Мугьбет э дуьл жиге вегирде.

Дошдем э дуьл ме у дусдире,
Чуьн раче гуьл э дор пажире.
Бирейгеш туь, ёр ме, бейбофо
Туьре дирe, дуьл ме шор бисдо.



ЭРИ ДЕДЕГЬО

О, дедей, сие партал вокурде,
Согъ гІуьмуьр эй кук ес гирде.
ГІэилле гьисдики хосдей лovere,
Туй келе бире, винош шорире.

Кук келе бисдо, сер гуьрд довгІо—
Кукгьой Ватан рафденуьт э гьовхо.
Умогьой дуьшмене бу келе войге,
Дир не сохде, хэлгъэ куьшде.

Дие гьичиш мегердо у рузгьо,
Меевгу беди эри хэлгъгьо.
Кукгьоре фуьрсоре э довгІо.
Чумерэхь мемуно дедегьо.

Эри кук хьэсроти бире, деде
Мипуьрси, сироте вегуьрде:
«Эже мундей ингъэде мэхьэл,
Бегем туьре эз ме нисд хэбер».

Варасд довгІо, азад бисдо хэлгъгьо,
Вогошд э хуне согъ мундегоргьо.
Эн омбаргьо не омо эвлодгьо,
Гьэл негуьрдуьт дедере кукгьо.

Эз умогьой салгьо омбар рафдет,
ГІэрс чумгьой дедегьо хуьш
небирет.

Туй, дерде ох э дуьл кешире,
Шевгьо те себэхь нисе хисире.

Гьисдуьт гьелеш ужуьр инсонгьо,
Эдет хосденуьт гьониш бедигьо.

Небирет гьеле угьо рази,
Нолей ферзэндгьо э гьово варафди.

Ме хосденуьм думонсуьз гьоворе,
Чуьшмере гьемише товуш дире,
Хэлгьгьой эн гьуьлом еки бире.
Сэхд, гьэлхэнд дусдире дошде.



ПОЭМАГЪО

МЕ НЕ МУЪРДЕМ

Жуьз зерени куьгъне яра,
Нимешевиш хэбер сохде.
Гирошдетгеш омбар салгьо,
Мигуиге эдем сухде.

Танк эз гІэтош луйп зеренге,
Ме умогьой нетерсируьм.
Автомате э дес гирде,
Эз гъэд эн танк вадарафдуьм.

Элов гІэтош гужлуй бире,
Гъуьж дорембу пусд жендеке,
Дорд дорей э гуш небу,
Метлеб энжэгъ бесгъуни бу.

Дуьшмегье лап омбар бируьт,
Хьовиргьойме жуне норуьт.
Хори-гьово эдей сухде.
Дуьшме эдей тупгьо шенде.

Меш офдорум сэхд яралуй,
Эдем сохде чуме-чару.
Сипре хэлет нисди веди,
Бугъозмеш лап зери хуьшги.

Чуь бисдоге недануьсдуьм,
Сер гиж хурде, суьсд бисдорум.
Ме э хуьшде дироморе,
Вокурденге чумгьой мере,
Денишируьм э иловле
Ве винируьм духдиргьоре.
Э гушме дарафд гофгьо,
Гуфди еки эз духдиргьо:

«Сифет эни омбар сухди,
Чуьтам эхи ветовусди?!»
Ярагьойме омбар бируьт,
Зэхьмет мере дорембируьт.

Воисдембу зу соф бошум,
Гене э гьовхо deboшум.
Рузгьо, мегьгьо гирошденге,
Зэхмгьо сер гирд эй хуб бире.

Дуьлиш эдей тэгИди сохде,
Гьэгьре эри ведешенде.
Оммо довгЮо лап гужлуь бу,
Дуьшме пушо оморембу.

Армиейму, тегьер гьэле,
Дошдуьт гІэзизе Маскове.
Бируьм эз хуьшде бирази,
Э госпиталь демундеи:

«Эйчуь нисдуьм ме унжиге,
Дуьшменгьоре эй венжире».
Мере хьэрзо нис доренуьт,
«Гьеле зуні,—гуфдиренуьт

— Бигьил соф бу селт ярагьо,
Увэхд мирай туьш э довгЮ».
Гене хоригьой Маскови,
Лешгергьойму инжо гуьрди.

Хьозуруьт эй бесгьун доре,
Селт нисд сохде дуьшменгьоре.
Гене э танк ме венуьшде,
Э сер дуьшме эдейм рафде.

Оммо довгЮ лап бед юни,
Э у гІэжел омбар дери.
Танк иму бед луйп зеренге,
Гьерсейму селт суьсд биренге,
Эз гьэд эн танк ведешендуьт,
Селт муьрдегьо хьисоб сохдуьт.

Э командир хэбер раси,
Гьерсе муьрди нефессуьзи.

Командириш когьоз нуьвуьсд,
Э кифлетме хэбер расун:
«Тегьер игид, гьовхо берди,
Эри Ватан жуне нори».

Оммо э сохдеки гьовре.
Солдат дири зиндеюм ме,
Нефес аста вероморе,
Гьич мэгІлуймиш нисе бире.

Зу огол зе санитаре,
Эй соф сохде бердуьт гене.
Песде гене гьовхо сохдум,
Дуз те Берлин ме расируьм.

Бесгьун дорим дуьшменгьоре,
Азад сохдим согъ гІуьломе.

Омо шоре руз хилоси,
Келе мигид эн Бесгъуни.

Кемиш буге согъ мундегъо,
Вогошденуът э кифлетгъо.
Меш, чемодан э дес гирде,
Э ён хуне оморенге,
Дуъл сэхд эдей гурп-гурп сохде.

Куфдум дер эн хунере ме,
Вокурд дере пире бебе,
«Руз эхэйрбу»,—уре дорум,
Мугум гъери: «Гене винуъм,
Чуь мигую бебе э ме,
Чуьтам шори мисохуге?!»

Деберд мере, теклиф сохде,
Денишири, мэхьтел мунде.
Песде пуърси эзжеюмге,
Согъ гъисдиге бебе-деде.

Жугъоб дорум: «Угъо согъут,
Оммо э ме гузет нисдуът.
Хъисоб сохдет муърде мере.
Э гъэд довгю жуне норе».

Пире дедеш дироморе,
«Руз эхэйрбу»—до у мере.
Песде мугу, ох кешире:
«Кук имуш э довгю рафди.
Танкист бире, гъовхо берди,
Муърди гуфре хэбер омо,
Омбар тигъи сохдим глэрсгъо...»
Чумгъой эн зен глов-глови бу,
Тоб эй доре муьгьлет небу.

Гьич хэберсуьз эз чумгьойме
ГӀэрсгьо сер гирд тигьи бире.
Мугум: «Бебе ве дедейме,
Согъум эхи, немуьрдем ме.
Ишму мере нешинохдит,
Гьери тигьэтлуь денишит».

Бебе мэхьтел бири мунде,
Гоф гуфдире нис дануьсде.

Песде деде тиж дениши,
Гьэл дешенде, чумгьо гӀэрси,
Моч сохд локогьой эн сифете.
Эз ярагьо мундетгьоре.

Гьирке сохде, гуфди асде:
«Чуьтам эхи шинохум ме,
Эжи хэндей эн ловгьой туь,
Раче сифет гӀэили туь?..»

Увэхд бебеш гьэл гирд мере,
ГӀэрсгьой энущ шушд сифете.
Оmmo изму гурунд небу,
Угьо гӀэрсгьой эн шори бу.

Гьулум-гьунши кура бисдо,
«Хош омори» сохд дигьигьо.
Шориш буге дуьлгьой ишу,
Кемиш небу могьбулишу.

Эз согьэ дигь гӀэилиме
Вгошдем е тэхьноле ме,
Угьониге жуне норет,
Эз гьэд элов невогошдет.

Изму омбар вэхдгьо рафди.
Муйгьой сермеш бирет сипи,
Невегьойме э солдати,
Гьэлхэнд Ватан сэхд поисди.

Оммо дусдгьо воисдени
Гьич вэхд довгю небирей.
Гьич дедейгьо негирисуьт,
Беде хэбер невегируьт.

Невинуьт гьич кукгьошуре
Сифетгьо селт дегиш бире,
Дануьт шинохе кукгьоре,
Бебе-деде, дуьлшор бире.



ДУХДЕР ДУЬ БЕБЕ

Э гуьзет 60 сали комсомол.

I

Нуьвуьсденуьм ме дестоне
Эри Мозол—духдер тати,
Кумек бире эй хэлгъ хуьше,
Гьинорменди у бирмунди.

Гуьзеле мегъ, э мегъ гьоми,
Емуьшдоргъо геймиш гьисди,
Онгурбогъгъо савзе мохбер,
Дуьл инсоне сохдембу шор.

Жофекеше фэхълей колхоз
Э хьэвесевоз коре мисохд,
Эй вегирде буле бегьер,
Зиндегуни варав звер.

Лап мозолменд бу жовонгъо.
Шоре мэгІни хунде угъо,
Рафдембируьт десде-десде,
Эз кучегъо эри гешде.

Э булутгъо пичи гьово,
Э дерд офдо гьемме хэлгъгъо.
Фашист, немецгъо—довгІохогъгъо,
Э сер Ватан гьов кенд омо.

Рафденуът жовонгъо э довгЮ,
Жейле бисдо соймишгъо.
У рузгъо гъич эз ёр нирав,
Игидгъо э торих мерав.

Гэдимие шегьер Дербенд,
Кукгъой юре э женг фуърсо.
Нисд бу гуфре беде дуьшмен,
Азад зигъуът гъеме хэлгъгъо.

Жофокешгъой шегьер Дербенд
Деш хъвеслуь коре сохдуът,
Эй гІэззигъо бире кумек,
Дуьшменгъоре зу бесгъун дуът.

Э гурунде беде рузгъо
Э пушо бу комсомолгъо,
Расде шовгЮ угъо доре,
Борж мибердуът э гьер жиге.

Э жергегъой комсомолгъо
Дебу духдер—нум ю Мозол.
Бебей энугъо рафд э гъовхо
Э суьфдеи рузгъой довгЮ.

Гъе эз у руз тегьер жоборд,
Сер гирд жофо кеши Мозол.
У комсомол Ленини бу,
Э пушой эл шовгЮлуь бу.

Медсестра э госпиталь,
Э яралуьгъо тегьер хэгьер,
Шев те себэхь не хисире,
Сохдембу у кумекире.



Некешуьтгу угьо зэхьмет,
Зу соф бире, буравт э женг.
Бигьил куьнд бу руз бесгьуни,
Дуьшмен Ватан нисд биреи.

II

Мозол эз кор вогошдеки,
Пушоре гирд дусд школеи,
Хунденбугьо э уревоз,
Э е школе эз зуревоз.

— Мозол, туьре эдем гешде,
Эй винире пушой рафде,
Эдем рафде ме э довгю,
Кумек бире эй бебегьо,
Дуьшменгьоре эй нисд сохде,
Шолумире эй овурде.

Гоф Яшкере гьетте шинре,
Сифет Мозол зерди зере.
Дуьл ю варафд-фураморе
Гуфди, дусде у дуьл доре.

— У мердини, э женг рафде,
Дуьшменгьоре эй нисд сохде.

Песде Яшке сер тик гирде,
Гуфди метлеб дуьл хуьшдере.
— Минет мени, дениш э ме,
Туьни вихде соймиши ме.

Гоф ди мере пушой рафде,
Э гьер рэхьгьо инсон рафде,
Эгер небуриге гюв эз бендгьо,
Мирасуьт э мирод муьгьбетлуьгьо.

— Бура, рэхъ ник, шор биёвош,—
Гуфди Мозол, дир не сохде,
— Бисдоримге гъисмет еки
Миёв эйму рузгьой ники.

— Бебейму гъисд э довго,—
Мугу Яшке, минет сохде,
— Дедейму мунди тэхьно.
Э хунейму де кес неде,
Хосденуым эз туь, Мозол, дусд ме,
ГӀэре-бир сер кеш э дедейме.

—Яшке, дусд ме, бовор сох туь,
Тегьер ферзенд эй дедешму,
Ме мибошум, олхоин бош,
Бесгъун доре, зу вогошдош.

III

Чуьлдуймуьн сал, гъизгъин довго.
Миоморут эшелонгьо,
Э Дербенд яралуьгьо
Лап пур бируьт госпитальгьо.

Мозол шевгьо нэхисире,
Невомунде кор сохдембу.
Бесдембу у ярагьоре,
Оmmo эз дуьл гирисдембу.

Эз же омо и бедигьо
Э сер келе ве жовонгьо.
У кор мисохд гуьм-гуьм сохде,
Эй сук сохде дорд яраре.

Е яралуь себэхьмунде
Огол зере глов хосдени,

Сер энуре тик вегирде,
Мозол гIове декирдени.

Согъ сифет ю бу пичире
Э верфлуье сипре жоне,
Энжэгъ ловгьо веде бируьт,
Тегьер тешне гIов фубердуьт.

Диеш дердлуь Мозол бисдо,
Дигълей эн гIэрс эз чум офдо,
Генеш у дуьл хуьшдере до,
Эй яралуь кумек бисдо.

Хэйли рузгьо гирошдени.
У яралуь сер гирдени,
Евош-евош эй бире соф,
Дуьл-эн Мозол бирени шор.

Яралуь чум вокурденге,
Э сифет Мозол сэхд дениши,
Эз зуревоз мигуиге
У Мозоле шинохдени.

Сер гирд э ёр эй овурде
Эже дири у Мозоле.

Бирден э ёр эну омо,
У гурунде беде гьовхо,
Келе женг гирошдигьо,
Дусд ю жуне норобугьо.

IV

Увэхди дуьшме гужлуь бу,
Гье шишире оморембу,

Сухундембу хунегьоре,
Пуч сохдембу инсонгьоре.

Эй Таганрог келе гьовхо,
Лап хунлюью giroшдебу,
Ферзендгьой эн ченд миллетгьо,
Тегьер эн мерд женг бердембу.

Дусде хьовир эн Николай,
Нисон—ферзенд Догъистони,
Эе жерге гьовхо берди,
Дуь согъэ сал бирор бири.

Э Таганрог женг бу келе,
Беде яралуь Нисон бисдо,
Коле уре гьужогъ зере,
Зу ведеберд эз гъэд гьовхо.

Увэхд Нисон суьсд гьолок бу,
Эй гоф сохде муьгълет небу,
Э гьултугъ у десе доно,
Сирот вегирд э Коле до.

Энжэгъ дуь гоф увэхд гуфди;
«Шегьер Дербенд э Догъисту...»
Коле уре дуз вараси,
Шовгъо доре дусде, мугу:

«Олхоин бош, гъэзизе дусд,
Согъ мундумге, ёгъин мирам;
Эз жун меш уре дуьруьсд;
Тегьер бебе ме мидорум».

Коле дусде гьовре сохде,
Э гьоврей эн бирори,
Дарафд э женг эй борж берде,
Гъэгър хун эн дусд э дуьл дери.

Нетерсире у эз гІәжел,
Телеф мисохд дуьшменгьоре,
Э лап беде жигей эн женг,
Дешендембу у хуьшдере.

У руз угьо сэхд поисде.
Таганроге гьэлхэнд дошдуьт,
Энжэгь буйругь оморенге,
Песо угьо вогошденуьт.

Немцгьо гьеле гуьжлуь бируьт,
Те Кавказиш расиренуьт,
Оммо Коле у сироте
Э гьултугь ю гІазиз дошде.

ГІэре-гІэре вегирдембу,
Тимор сохде, гирисдембу
Э ёр дусде у овурде,
Эй ю гІэрсгьо рихундембу.

Э хоригьой догьгьой Кавказ,
Э беде женг дери е дес
Коле бисдо сэхд яралуь.
Эз хуьшде уре хэбер небу.

Э госпиталь, шегьер Дербенд,
У э хуьшде дироморе,
Вохурд э ю куьнде чигьрет.
Гье у туьтем огол зере,
Эз сестра пуьрсирени,
Мундиге согь когьозгьой ю,
Зури овурде гьишдени,
Тигьэт вини сироте у.

Коле увэхд ёгьин дануьсд,
Нисон бебей эн Мозоли.

Дуъл ю бисдо диеш гурунд,
Эз чумгьош гІэрс бисдо тигьи.

Оммо фикир, дерд дуъл юре,
Недануьсд очмиш сохде.
Воисд уре зу соф бире,
Гъэгр хун дусде ведешенде.

МагІлуьмсуз вэхд пушо рафде,
Сер гирд Коле эй соф бире,
ГІэре-гІэре у вэхуьшде,
Минуьшд э сер эн пенжере.

Гъетте Мозол дироморе,
У мибисдо диеш гъэмлуй,
Э дуъл дегьо фикиргьоре,
Воисдембу очмиш соху.

Оммо гъичиш не гуфдире,
Мигуфди у э дуъл хуьшде:
«Беге мибу и чумгьоре,
Рэхьм не берде, гІэрслу сохде».

Не дануьсде бигьил зигьуй,
Чумгьо эз гІэрс тар небошу,
Раче жейрон эн догьире,
ГІовуни эй гъэмлуй сохде.

Е руз Мозол э кор омо,
Гъэмлуй бируьт энун чумгьо,
Веди бу, ки уре дерд бу,
Сифет энун бу фикирлуй.

Коле пуьрси эзу зури,
Эйчуй гъечи у гъэмлуйни,

«Лейлей Коле, ченде гуом,
Ме э кифлет е тэхьюом.

Э дуъл ме ченд дердгьо дери,
Одохлуй ме э довгюи,
Вегирдем ди когъоз эз у,
Бири гуфре сэхд яралуь».

Эз чум ю гIэрс тигьи бире,
Зиёд сохде Мозол гуфди:
«Дие беш нисди мере
Э женг довгю уш ки муьрди».

Инжо лерзи жендек Коле
Ве пуьрси у дир не сохде:

«Чуьтам муьрди эн туь бебе,
Эз же эхи туь дануьсде?»

«Омори когъоз пуч биреи,
МагIлуьмсуьзи, гьовреш нисди»

Де тоб недо инжо Коле.
Вегирд эз гьултугь сироте.

Дениши у э сиротиш,
Э гIэрсгьой чумгьой эн Мозолиш,
Эз чумгьой мерд тэхьле гIэрсгьо,
Э инжиге тигьи бисдо.

До э духдер у сироте,
Ихдилот сохд гьозиере:

«Тегьер игид Нисон дусд ме,
Э гьэд гьовхо нори жуне
Э Таганрог гьовре бири,
У э гьоврей эн бирори.

Дуъл ди хуьшдере, духдерме,
Бигьил ебо соф бошум ме,
Мирам э женг дир не сохде,
Гъэгъре эри ведешенде.

Ме эз довгӀо мивогошдуьм,
Эй туь бебе ме мибошум.
Бесгъун доре вэхъшигъоре,
Мисохим селт нисд угъоре.

Одохлуйтуьш мивогошду
Диеш шорте рузгъо мибу».

Оммо Коле хэберсуьз бу,
Эй довгӀо гӀэмели небу.

Гъеммишелуьг беде яра,
Овурд эй ю шуькестире,
Духдиргъо дуъл дорембириуьт,
Суре э у нигуфдируьт.

Оммо пушой селт соф бире,
Дануьсд Коле ёгъинире,
Инжо бисдо у фикирлуь,
Недануьсд у де чуь соху.

Минет мисохд э духдиргъо,
Э женг рафде бигълуь угъо,
Мерг венгенуь э дуьшменгъо,
Гъэгър эн дуле ведешенде.

НэгӀ, не гъишдуьт уре рафде,
ГӀэмели небу эй женг сохде.
Нуьшдембу сер гъуз гирде,
ГӀэре не доре, гъэм кешире.

Мозол уре гъечи дире,
Гуфдирени: «Лелей Коле,
Эйчуь гъечи фикирлуьнит,
Могъбул, сергъуз гъе нуьшденит?»

Э ён Мозол у куьнд нуьшде,
Ихдилот сохд гъозиере,
Э и довго селт нисд бирет,
Эн Николай согъе кифлет.

Э дуре дигъ Украины,
Суйфде бомбгъо офдореки,
Темиз бири эз руй хори.
Уре екиш де не мунди.

Бебе ве дедей ю муьрдет,
Зен ве кукеш немцгъо куьшдет,
Гъони нисди уре кифлет,
Эже бурав, нисди муьгълет.

Мозол тигъэт денишире,
Гуфди: «Месох фикир леле,
Пой туь инжо эй зигъисде,
Э жигей бебе эй ме бире».

Коле бегъем соф не бире,
Мозол уре берд э хуне,
Мидениши тигъэт э у,
Нигъишд уре фикирлуь бу.

Коле дуьл ю лап битоб бу,
Э кор рафде воисдембу,
Зури офде фенд эн коре,
Сер гирд жофо эй кешире.

Э колхоз у дарафдени,
Тегьер жоборд кор сохдени,
Жигей Нисон дусд хуьшдере,
Гирдени у желдлуь бире.

Э госпиталь кор омбар бу,
Мозол эз кор дир миомо,
Коле зуте оморембу,
Чой, хурекиш у мивено.

Чуьш эй сохде у хьозур бу,
Токи Мозол дердлуь небу,
Оммо Мозол гъэгъри бире,
Нигъишд сохде кор хунере.

Е руз Коле эз кор омо,
Зен гъуншишу кэгъозе до,
Вегирденге когъозе у,
Шори юре гъэдер небу.

Зури хурек хьозур сохде,
Суьфрере у дешендени,
Э пушой гъопу у рач нуьшде,
Мозоле гузет сохдени,
Гъетте Мозол куьнд оморе,
Гуфдирени зури Коле:
«Гъери вежегъ е дес винуьм,
Шоре хэбер туьре мидуьм»

«Лелей Коле, гу зу бура,
Чуь хэбер туь миди мере».
«Гъевел вежегъ, песде гуюм.
Мереш воисдени винуьм,
Чуьтаре туь вежесдеге,
Шоре хэбер оморенге».

Чумгьой Мозол гIэрслуь бире,
Гуфди у: «Жон лелей Коле,
И ченд салгьо не вежесдем,
Тегьер юреш фурмуш сохдем...»

«НэгI, духдер ме, туь межегьи
Эз шори Яшке соф биреи,
Одохлуйтуь селт соф бире,
Гене эдей гьовхо берде».

Дуьл эн Мозол лап шор бисдо,
Когьозе у ченд гиле хунд,
Белки гьисди уреш бахд ю,
Мивогошду одохлуй ю.

...Газизе кукгьой Ватан,
Бесгьун доруьт дуьшменгьоре,
Гьовхо берде тегьер аслан,
Овурденуьт азадире.

Э жергей эн жобордгьо,
Кук Дербенди Яшкеш дебу,
Э лулей эн гуьрге-вэхьшгьо,
Угьо суре донорebu.

Зу лов бисдо хэбер шори,
Э Дербендиш омо раси,
Э игидгьо эй вохурде,
Гьемме эдет хьозур бире.

Э у гIэре бебе—духдер.
Гьэдерсуьз бире дуьлшор,
Коле ферзенд украини,
Мозол духдер эн татини.

Тегьер мигИид хунегьоре,
У руз Мозол вараюнде,
Гъул э гъул бебе доно,
Э вокзал Дербенд фурамо.

Бируът инжо томом жэгIмет,
Ченд десдегъо зерегоргъо,
Геймиш бируът тегьер хэлгIэт,
Оморембу сес гъовогъо.

Мивежесдуът гъуле гирде,
Гъэдер небу шори хэлгъэ,
Поезд э вокзол диромо,
Игидгъо э перрон фурамо.

Дуь-екире гъэл мигирдуът,
ГIэрсгъой шори мирихундуът.
Яшке зури фураморе,
Офдени у ёр хуьшдере.

Гъэл гирд ёре эз дуьли у,
Сэхд моч сохде эз ловгъой ю,
У бу суьфдеи моч эн муьгъбет,
У бу васал зиндегуни,
Эз четини гиросше бэхд,
Лап ширин бу эй дуьл гъони.

Муьгъбетлуьгъо жейле бире,
Томоше сохд дуь-екире,
Мозол гирде дес Яшкере,
Шинох сохд у не Колере.

Гьерсе еки гъул доноре,
Варафденуът э лой хуне.
Зури кура бисдо дусдгъо,
Хэгьер-бирор ве шинохгъо.

Э сер суьфрей келе ники,
Нуьшденуьт дусдгьо гьеммееки,
Пейлей шори декирденуьт,
Э согъи еки рач хурденуьт.



ГІЭРУЬС УРУСИ

Дедей мисохд гузет куке,
Мишуморд у руз-сэгІэте,
Кей мерасуь хундеире,
Мивегуьруь аттестате.

Оммо кукиш варасденге,
Эри хуьшде сохд ю фикир.
Эй вегуьрде сенигІэге.
Бурав зуте, небире дир.

Э дуьл дедей дебу мирод,
Эз кук пэхьни у дошдембу,
Воисдембу теке эвлод,
Эз ю дие журу небу.

Бирден е руз нике хэбер.
До э дедей, шори сохде:
— Эри бире ме инженер,
Рафденуьм эри хунде.

Гьеми шори, гьеми гьирке,
Мисохд дедей шиниренге,
Гьэл гуьрд, моч сохд кук хуьшдере
Де гоф не офд эй гуфдире.

Вэхд гирошд зу. Се сал бисдо.
Е руз когъоз омо эзу,
Е дегьборе вегуьрд гъэдо,
Рафд эй хунде э гъунши зу.

Бэгъдовой эн е ченд гофгъо,
Нуввуьсдигъо эри деде,
Духдер гъунши лэгIэ гъово,
Гуйге бисдо зугъун гуьрде.

Зениш мэхьтел бисдо бирден,
Эз некуми чуй бисдо бу?
Эз же омо инжо садан?
— Чуй нуввуьсди э когъоз у?

«...Хундеире верасденге,
Ниём тэхьно руе хуне.
Дедей, мере гьисди войге:
Инжо эдем зен хосде ме».

Дуьл эн дедей бирени хуьрд.
Дедей бисдо дерди-ёси,
Эз гIуьломиш у дес вегуьрд.
Кук нисоху де гIэруьси.

Герме рузгьой гьеминон бу.
Чемодане э дес гуьрде,
Е духделе оморебу,
ГIэйбе-гIэйб у дере куйфе.

И келе зен дере вокурд.
Духдериш до э у когъоз,
Э кин гъунши гене у хунд,
Песде вогошд э уревоз.

— ЕгІни и гьисд вокурдегор,—
Э сер венгесд духдер гъунши.—
Инженери мисоху кор,
Воисдени бу кирочи.

Эй ехмиши дуълверовун,
Хьисоб сохде, рази бисдо.
Ве екиге э у товун.
Когъоз куки э дес дегъо.

Гирошденуът рузгъо, мегъгъо,
Шинохденуът дуь екире.
— Мереш гьисди туьре хуно
Э Саратов пире деде.

Эгер суьфде кемихьдибор
Сохдембуге э у деде,
Синемиишиш мисохд омбар,
Песде дуъл динж бисдо деде.

Гоф нигуфди де зиѐди,
Омбор мигуьрд хьуьрмет зене.
Кор хунереш у мивини,
«Мама» уре огол мизе.

Дедей мисохд эзу шори
Ве мигуфди эри хуьшде:
«Миомого кук ме зури,
Нигьишдуьм гьич кесе хосде».

Омо у руз. Кукиш вогошд,
Мивинуь зен кук тэхьной,
Эз дуъл деде шори гирошд,
Кук э гьечи омореи.

Сабуър сохде, песде пуърси:
— Эхи кук ме туь зен хосдей,
Гуйге юш бу зен уруси.
Песг туь уре не овурдей?

Э ловгьой кук верафд хэнде,
Дедере у сэхд гьэл гуърде.
— У омори эз ме зуте,
Ини гІэруьс э хуне де.

— Шори мере нисди гьэдер!..
Эз дубли ме гьисди гІэруьс.
Гердойт ишму деш бэхдевер!..
У жун мени, духдер урус.



БИРЕНУЪТ БЕБЕГЪОШ

(Баллада)

1.

Вэхд довгто бу, гъизгъин эн женг.
Шев торик бу, невебу менг.
Миомо сес ноле ве виз,
Глэтош эн туп микеши риз.
Гуърдет э бенд чор эйлонме,
Имуре берд есир дуьшме.

Зэхм эн яра мидо сэхд дорд,
Дуьшмен сурул, тегьер жоллод,
Сохдембу гуж э есиргьо,
Десдей «эс-эс» эн немцигьо.
Кумег бире дуь эеки,
Е ченд милет: урус, лезги...
Меш ки бируьм тэхьно е тат,
Бироргьойме бируьт ченд сад.

Бисдорим гуьрд десде-десде,
Вирихденим иму песде.
Ченд улкегьой Европаре
Гешдейм иму, чуьн оворе.
Э Франция, э Дания
Сохдейм иму партизани.

Мибердим женг желд-боребор,
Бирим эйшу тегьер бирор.
Эй гьемме бу дуьшме еки:

Фашист-хунхур, жинс эн сеги.
Оммо э дуьл Ватан дебу,
Бирим омбор хьэсрет энуг.
Верасд довго. Асму вокурд.
Ферзендгьоре Ватан вохурд.
Динже жофо ве ободи
Эри иму сэхд мироди.

2.

Шохьонгум бу. Куфдуг дере.
Вокурденуьм дер хунере,
Э домой дер е пире мерд
Сергьуз, гьожиз, сэхьиб сад дерд,
Чуькле шелей туморей
Э дес эни езугь дери,
Фамилере ве нум мере
Чуьтам гьисди гуфди э ме.

Мэхьтел мундум: ки миё бу,
Гьечи мере хуб шиноху?!
Теклиф сохдум ме э хуне,
Сифет мерд до бегьем гуне.

Э фикир ме гешд ченд хэёл,
Дуьл инсони гоф сохде лол:
...«Си сал пушо дедейму муьрд,
Бейму зен тозе вегуьрд.
Ме увэхди бируьм гьеле
Пенж-шеш сале, лап чуьклеле.
Зенбейму, тегьер уге,
Мере нихосд эйчуь буге.
Микуфд, микуьшд, мивоно гуж.
Беймуш бу бегьеме пуч.
Нимунд е руз гьич ичкуьсуьз.

Гъэгър энуре эз ме михосд,
Э пэхьники у чуьш мисохд.
И гужгьоре тоб недоре,
Гуфдиренуьм эри бебе.

Хотур эн зен эй немунде,
Беш эз гьул мере гуьрде,
Сургум сохде селт эз хуне
Берде до э етимхоне.
Суьфде шэхь зе дуьл ме унжо.
Бегем бебе небу бижо?

Мегьгьо, салгьо мигирошдгеш,
Ниоморут гьич е гилеш.
Чуьтам есир э гьэриби,
Хьэсрот Ватан сэхд бирени.
Гьечу хьэсрот бебе бирем,
Руй энуре гьич недирем.
Бибелуье етим бирем,
Е руз бегьем ме недирем.

Етимхоне, етимхоне...
Инжо бири эй ме хуне,
Инжо офдем бебе-деде,
Ватан бири эйме гьемме.
Бегем э ме лоигьини
Э у сохум ме хогьини?
Биремгеш ме эз Ватан дур,
Дошдем номус ве гьем обур»

3.

...И фикиргьо э дуьл дери,
И мердиш чум сэхд донори.
Дуь одоми гьэргьэ хуно,

Дерим иму э и хуне.
Нуьшунденуьм ме и мерде,
Цуьрсиренуьм хьол ве дерде.

Гофе сер гуьрд гІэйб кешире,
Охиш эз дуьл вокошире.
У гоф мисохд, чуьн тэхсиркор,
Гьер гоф мисохд э ме сэхд кор.
Бирден поисд, песде гуфди:
«Туь, балай ме, мере гоф ди,
Эз гофгьой ме бейкеф нисдге
Ве мере ёд нихуниге?
Э сурогъ туь омбор гешдем,
Газетгьоре хуб фегьм сохдем.
Эз товун туь эхир хундум,
Эз гьинор туь шори сохдум.
Имугьойле офдем туьре,
Воисд пиш сох туь бебере.
Э пушой туь миофдонум,
Туь вегуьрдей эз ме ондум.
Менуьм, менуьм сэхд тэхсирлуь
Менуьм бебе изму гьэмлуь.
Тек-тэхьноюм пушой муьрде,
Кес нисд митош эй вегуьрде».

Езугъ омо мере омбар.
Фикиргьой ме бисдо чен бор.
Эз гьул бебе гьони гуьрдуьм,
Э пой уре вэхизундум.
Бугеш мере келе сабуьр,
Суьфдеи бо ме э гІуьмуьр,
Гуфдируьм гоф шох э сифет:
— Чуьтам хунде мере ферзенд?
Мере дошди Ватан Совет,
Ме гьисдуьм кук келе кифлет.
Туь беbei, энжэгъ бебе...

Туй венорей э ме лербе.
У лербе нисд эн вэхд довго
Ве диремго четинго.
У лербере, бебе, э дуьл
Туй венорей эй согъ гуьмуьр.

Имугьойле э пире вэхд,
Ме герекуьм бебере сэхд.
Нэг!.. Нисохум э туй езугъ.
Бебе! Гуит э кук буйругъ!



СЕРНОМЕ

СТИХИГЪО

Нис воисде мере дие	5
Астарейме	6
Шегьер В. И. Ленин	6
Комуне	8
ГӀэзизе партия	8
Келе рэхь	9
Э сер гъоврегъой Пискарев э Ленинград	9
Инсонгъо	11
МӀгӀлуьмсуьзе солдат	11
Эри чуйкле невелейме	12
Хуним мӀгӀни	13
Раче чигърат	14
Дурим эз еки	14
Севгили	15
Сие хол	16
Мибошу пешму	16
БиӀ Ӏр	17
Эриме офире оморей	18
Ошугъ бирем	18

Дор э сер билогъ	19
Бу гуфдире	20
Мепой	21
Мере хъэз омор	21
Ловой деде	22
Нисе муърде	23
О, Одоми	24
Э сер гъоврей деде	25
Бура рэхъ ник	25
Вэхд жовони	27
Бовор сохденуым	28
Дусд	28
Фурмуш нисе сохде	29
О, Догъисту!	30
Хосденуым туьре, Ватан	31
Бейбофое ёр	32
Гуьзеттуьни	32
О, Ватанме	33
Соймиши	34
Дуьлмере э гоф оворди	34
Биё, дусд, бейхэбер дере воку	35
Ненуй-ненем	36
Мозолуье духдер	36
Эри Дербенд	39
Имуре воисдени шолуми	40
Гизилгъой совети	40
Деврме	41
Э мовзолей В. И. Ленин	42
НесигIэт деде	42
ТэгIрифидевр	43
Эшгъ эн мугъбет	44
Туьре диренге	44
Дусде дире, дуьл миверов	45
О, дедей	46
Гизизе хориме	46
Зимисду не васал	48

Духдир—дусдме	49
Нибу жиге	49
Пешмуни	50
Шори Одом (<i>юмореска</i>)	51
Шекуьл бебе	52
Воейгей дуьл	53
Хэгьер	54
Эри холибофгьо	54
Гэтлуьй девр иму	55
Игидгьой жофо	56
Чуь гьишдей?	57
Бош кумек	57
Вохурдеи	58
Эри дедегьо	59

ПОЭМАГЬО

Ме не муьрдем	61
Духдер дуь бебе	67
Гэруьс урусн	83
Биренуьт бебегьош (<i>баллада</i>)	87

Зоя Юнаевна Семендуева

МОЯ ЗВЕЗДА

На татском языке

ИБ 1966

Рецензент **Н. Гилядов**
Редактор **Х. Авшалумов**
Художник **Н. Чаракаева**
Худож. редактор **В. Арьков**
Техн. редактор **В. Гаджиева**
Корректор **А. Семендуев**

Сдано в набор 14.03.88. Подписано в печать 08.04.88. Формат $70 \times 90^{1/32}$. Бумага тип. № 3. Гарнитура «Литературная». Печать высокая. Усл. печ. л. 3,51. Усл. кр. от. 3,65. Уч.-изд. л. 3,3. Тираж 300. Заказ 344. Цена 35 коп.

Дагестанское книжное издательство Государственного комитета Дагестанской АССР по делам издательств, полиграфии и книжной торговли.

367025, Махачкала, ул. Маркова, 55.

Типография им. С. М. Кирова Государственного комитета Дагестанской АССР по делам издательств, полиграфии и книжной торговли.

367025, Махачкала, ул. Маркова, 51.

35 коп.

Зоя Юнаевна Семендуева

МОЯ ЗВЕЗДА

На татском языке